


TS464/83(23)

CHINESE-SPANISH LIBRARY
HARVARD-YENCHING INSTITUTE
AT HARVARD UNIVERSITY

OCT 23 1963



三春入
意名此集
取人



敬業堂詩續集卷三

海寧 查慎行



餘生集上

起癸卯正月
終乙巳五月

雍正初元再逢癸卯余年七十有四矣江海餘生
嗟情未廢正如病馬嘶櫪枯葵泣霜竊取東坡此
意名此集既以志感亦以志痛也

敬題康熙六十一年曆後

王春天上賜官書花甲山中紀閏餘蚤是孟冬頒朔後
重逢開歲改元初青陽左个迴羲馭斗柄東方轉帝車
節物不殊年號異敢將新舊比乘除

舊有餘波詞二卷原稿失去將四十年沈房仲

楚望椒園兄弟忽以抄本來歸即用詞字為韻
口占二絕謝之

綺麗餘波入小詞枉拋心力悔難追依稀四十年前夢
重拾亾簪事亦奇

故物來歸喜可知木瓜原是我家私相投敢謂瓊琚報
兩首詩償兩卷詞

二月三日再過西阡看梅適遇沈椒園遂與偕
行時德尹以腰痛不能出故章末戲及之

臘尾曾經冰雪催旋經風雨又經雷枝頭欲落未全落
眼底先開讓後開天好一春逢幾日身閒半月到三回

半月來與仁和符趙二生及吳興沈厚餘韓自為輩兩過此故云腰輕腰瘦宜相傍故

與東陽結伴來

題沈房仲閉戶視書小照三首

俗物與書仇紛來奪專嗜愛此卷中人胸無戶外事
人方用三冬爾乃取九夏梧竹滿清陰翛然坐其下
吾衰苦善忘鑿壁仰鄰照蘇老有成言得君如再少

去冬過當湖重宿化城精舍紅椒上人初自嶺
外歸出遊草見示今有詩來索和以四絕訓之

化城菴外水如天每到東湖愛泊船禪老麤償行腳債
詩翁重續對牀緣

消息流傳恐失真親從六祖證前因黑灰堆裏尋衣鉢
辛苦南華禮足人

識取寒泉不二門散花千偈似瀾翻平生痛癢相關處
拍掌中看帶血痕來詩有吾道痛相關之句

水月洗開雲霧窟廬山面目現當前從今便結紅椒社
何必青松與白蓮來書云將歸老廬山相約續青松之社

喜曾濟蒼學博見過次見貽原韻

菰蒲新漲拍村橋鷗外相尋獨倚橈歸路爾貪千里近
離羣我嘆十年遙蚤時風格追思曼末俗交情感孝標
酒間語及徐淮江後人忍負眼前杯底月直須酩酊到深宵

老友張漢瞻自膠城來有詩感舊次韻奉酬

京洛追隨不計春推移俱是兩朝人故交屈指年年減
郵報傳聞事事新居近幾家滄海曲謂唐考功東江王給諫學菴詩

留一卷太湖濱

往有橋社唱和漢瞻曾刻於吳門

明珠魚目休論價草

木終緣臭味親

時以新刊文集見貽余亦以拙刻奉教

題符天朗聽琴圖小照

絲布澁難縫譜成惱儂曲

綠珠所作

餘音一以散古調復誰

續不愛指頭纖只怕指頭俗老耳劇分明寒泉韻秋玉

又題竹里勘書圖

邊孝先腹十萬卷庾蘭成賦三兩竿置爾於雲窗霧閣
擬之以青瑤明珩

哭東亭弟

六月十九日

旬來聞伏枕旦日走憑棺吾哭得無慟汝貧翻為官功
衰凋喪盡子姓荷承難後死餘家督腸枯感百端

六月廿四夜枕上作

季夏之月魃行虐三旬苦熱兼無風暗雨臥聞來自北
明星起視生於東民勞尚懸飢渴望吏酷聊借驅除功
杜陵句似爲我設未免憂國思年豐

及門符幼魯將入太學來乞贈行之句

海隅夏大旱處暑暑未徂符子將北遊肩輿叩吾廬告
別乞贈言此意胡可虛我持一盃酒味薄分去聲有餘酌
子不盡觴行行勉相於男兒屬有志寧甘老鄉閭京華
聲利場太學才所儲天衢闢賢路馳騁誰不如筮易得
同人謹於出門初豈惟交道爾願以類推諸

元旱苦嗟四章

居非永熟鄉兩世且拙宦歸田踰一紀仰屋屢永歎初
來親故疎近遣僮奴散兒孫累十口穉弱居過半頗覺
生理艱頽齡乏長算何當委時運付以一咲粲

荒政緩催科明明 新詔制陋邦亦王土徵發當此際

皇天久不雨瞻仰星有暍郡符夜到門猛挾雷霆勢貧
家窘倉猝慮不及卒歲盡典禦冬衣而充夏秋稅

年年秋八月種菜及是時自從亢旱來風燥土不滋荷
耬破完塊投種計已遲甲拆稍萌芽蠖去聲口甘如飴鳴

呼菜色民自古乃有之今方愁歲饉豈獨啼年飢

此鄉本瘠壤寥落窮毗居樂歲尚歉歉戶鮮升斗儲十
年罹海患疾痛況未舒熬波久無鹽竭澤兼無魚何以

置此輩俾安作息餘吾詩倘可風聞者盍采諸

重陽前四日沿海隄入邑城道中感賦

愁臥閱十旬閉門何所之今晨偶爾出目觸中心悲海
霧一氣黃秋陽敵炎曦黍苗槁既盡禍及菜與蕘有如
經戰地顛倒橫僵屍果然周餘民慘慘靡子遺赴死聚
百族偷生無一機曷不呼彼蒼天高聽宜卑傷哉莫以
告造物非不慈田間老禿翁罪歲微有辭身謀良自拙
遑恤斯人飢

十月九日重赴沈仁山賞菊之招席上戲拈二

絕句

涉夏經秋旱太甚問花那得此精神一池水抵三時雨

辛苦朝朝抱甕人

遲開猶及領晴光日薄風輕未有霜只算今年秋帶閏
重來恰好是重陽

菊花中有名舊朝衣者戲咏之

借緋借紫儘無端俗眼多從一例看衣不如新人已舊

枉呼贊善作朝官

香山詩好似東都白贊善被人猶喚作朝官

題勝子姪牧牛圖五章章四句

飯之則肥飲之則瘦緩爾商聲聆予雅奏一解爰四其足

可菑可畬亦兩其角可以挂書二解爾牛來思釋茲在茲

既辭輓輓盍解厥縻三解黃金籠頭飼于黍牢與其為甯

毋寧為陶四解出關者青露地者白自我牧矣各適其適

徐觀卿將北行有詩留別次韻奉酬

鉅若鼇戴山微如螳冠粒履幽則坦坦用壯斯岌岌君
 才眼罕儷君語口恒澁半月脫朝衫窮年事細笈躬承
 馬班後學富鯤鯨吸勝國史未成嗣賢合重葺烹雞用
 牛鼎少膾取多汁嗜篤來眾濟衿開袂積習東江老名
 宿謂唐實君惠好稱朋執浥彼古井深資予修綆汲羅干網
 必萬稗九糲或十義以晰精摘時乎視闢翕寧非明堂
 材盍奏清廟什行藏勇內斷聲譽恥虛襲峩峩野史亭
 燦燦傳家集為鱗雖久潛在羽難終戢 新綸紹前局
 初震發羣蟄人皆推掌故官甫踐末級巾笥快提攜直

廬供采緝歲增廩稍豐月受諭縻給同僚斂手避先輩
 下牀揖尺木階徐升登瀛門再入矯首有抗顏和衷靡
 予立所期擊汰往安事臨岐泣贈處例當酬蠅蝨附驥
 鬣山蔬忝饗薄村酒勸飲溼遠道懽莫追餘波感猶及
 志士覲業成吉人貴辭輯從教衣帶緩肯作步吏急功
 名況時至庸可俯而拾去去慰民望吾方詠臺笠

題徐子貞大司空遺像

我出師門垂四十年通家後進獲奉周旋公之視余猶
 稚弟然晚追前躅同返林泉幸不負夫初心遠舍我而
 逝焉官止于司空壽躋乎老傳式瞻畫像儼睹生前蓋
 逝者其耄而不亾者其天

徐青藤墨牡丹為視遠上人題二首

濃墨點雙花枯枝綴一極目中無尹白放筆自成家
不數洛陽春不上天彭譜愛此甘露瓶紋如衲衣補

題金匡秀戶部南廬圖卷子

婁江之水清滄浪幽居宛在天一方展開八尺好橫幅
令我興發神蒼茫耕烟筆妙呼欲起圖為王石谷所畫快比并
刀能剪水樹高竹密綠兩涯日薄風微香十里飛來紙
上疑有聲采蓮歌逐菱歌生亭臺占斷清涼國宜爾主
人遺宦情人間炎熱吁可怕亦有扁舟思穩駕題詩預
作隔年期來就圖中消九夏

哭唐東江考功四首

獨上扁舟逆風滿天冰雪到婁東賸含溼面雙行泪
來哭平頭九秩翁與我相忘形跡外感人尤在朴誠中
矯時肯擬朱公叔自此交情見始終

華髮登朝僅兩年賦歸樂事在林泉招邀鄉社耆英友

成就師門繼起賢

君歿後數日徐觀卿以輓章寄示具述相成之誼

上瑞人方

占壽國少微星忽隕吳天九原可作夫奚憾自信千秋
業必傳

曾將尺素寄相思亦有流傳肯見疑無間可容纖芥入

此言唯許兩心知麤償晚節行藏約細檢生平贈畚詩

最後一篇皇甫序不教衆目笑吟癡

今年正月君為余敘詩集

門館郊園次第開昔遊幾度獲趨陪十年齒序推兄長

半榻塵封望我來同調云亡應共惜輓歌相續有餘哀
海山兜率茫茫路老向人間首獨回此章追述京華舊事兼傷揆文端公時文端下世已七年君集中哭揆詩有見示語故及之

甲辰正月重訪佟陶菴同年於江寧試院感舊
有作二首

嶺南經判袂海上繼啣杯忽漫七年別猶能千里來短
長踰隴夢辛苦佐時才君由西寧軍前奉旨起用故云萬事蒼茫外

重逢又一回

跡忝朝廷舊身叨禮數優入時庸自棄出谷偶相求柳
色回青眼梅花笑白頭感君期我厚長恐負千秋曩承分俸
刊拙集故及之

上元前二日陶菴以詩約遊清涼山次韻奉答

令節長多雨連朝偶得晴陪遊原有約索醉豈無名香山

詩獨醉似無名借君作題目稅杖扶身健芒屨稱腳輕老嫌簫鼓鬧

準擬入山行

元夕偕陶菴中丞遊清涼山寺

山號清涼寺並稱此山此寺冠金陵展開碧落千重網
湧出紅蓮百萬燈勝踐肯隨殘劫廢佛殿新危欄知得

幾回凭宰官說法吾來聽或恐身為過去僧

題秦淮丁氏河房二截句

一派淪漪漾小波風光其奈早春何亭臺夾岸參差影
老柳無多新柳多

畫社詩壇半寂寥百年塵劫履綦銷依稀記得虞山句
丁字簾前是六朝

贈清涼中洲禪師

師在吾鄉住十年風塵南北見無緣眼前一片清涼界
二老相逢亦偶然

經史紛綸入剪裁黃山賦可壓天台波流雲委三千字

一句何曾杜撰來師有黃山賦皆集古人成句為之

戲柬蔡鉉升

饑鳳軒前隕客星杜濬璞菴歿後少詩朋王廷銓能談五十

年來事一個隳官蔡鉉升高唐賦長吏隳官賢士失志

席上留別陶菴鉉升中洲禪師適至

高僧來入社開府出登壇韻門千巖險唵求一字安足
增行子重敢竭故交歡江渚禽魚便新篇寄不難

自金陵至丹陽歸途即事口號六首

莫愁湖北莫雲橫淳化關南朝日生不管羣情方望雨
出門一步但祈晴

茅菴僧勸趙州茶遙指坡陀去似蛇為說井枯池亦竭
前頭漸少賣漿家

野無青草麥無芽捲地風來撲面沙遇著閒人還借問
前村何處有梅花

應試諸生半跨驢就中不少鄭昌圖相看一咲休相避

西抹東塗是老夫二月補行癸卯鄉試

滿眼流移大可憐憐渠所至遇凶年絲毫何補飢寒色
忍為看囊惜一錢

古邑句容隻堠邊僅通車騎不通船詩翁來往無人識
獨結孤燈信宿緣

送李邑侯罷官歸武功二首

名含英甲子
科乙榜秦人

思歸若箇便成歸簿領抽身似爾稀昨日罷官今日去
萬人海表羨鳧飛

武亭川外武功天禁旅西征近十年留取濟時心力在
讓他卜式去輸邊

薄遊二十日歸時西園西阡梅花已零落而盆
中三本開方爛熳戲成二絕

落盡江城笛裏花主人索咲始還家盆梅亦是移根接

不為東風長妬芽

見黃伐
檀集

舊圃新阡本一家天工人巧略爭差遲開畢竟先桃杏
及作春頭替代花

庭有柔木二月初吐小白花花皆五出因名之

曰雪梅

紅梅已死

十年前
手植者

盆梅謝五出輸他密綴條比似雪花

看更好入春一月不曾消

石芝

出南海中鄭北山
集所云石花也

海南有異產瑤質波濤姿靈苗豈根蒂歲久成茵芝土
俗名以花泥沙誰惜之我來遊嶺表瑞物始見奇歸無

千金橐石肯萬里隨刷以止濁膠澤以無垢脂藉以錦
 文石承以縹色瓷平堦水一泓森若干頃池中央好位
 置為爾呈華滋上有蔚藍天倒涵星斗垂旁有金鯽鯉
 吹唇搖尾鬢菖蒲須漸長荇藻交紛披芝兮得其所永
 與山海辭喚醒嗜睡翁此品不療飢吾姑悅吾目君毋
 朶君頤東坡有夢食石芝詩故戲云喚醒濛濛嗜睡翁亦蘇詩語

牡丹花下偶題

吾生去日多來日春事今年減舊年可惜風光太狼籍
 疆扶衰病到花前

潤木新居看玉蘭次德尹隔日雨阻原韻兼示
 上姪令錄寄京師

唐昌玉蕊豈易得木筆愛吐瓊瑤花倉皇不費萬金買
 先後特爭一日差遲開正爾及爛熳治具公然出咄嗟
 吾廬無此聊藉口夜醉東舍晨西家

德尹新居看牡丹二首

新堂既已成名種移牡丹鞋紅玫瑰紫深色鬥兩般迨
 茲風日晴家會欣團圍買栽洵得地好與兒孫看是日信菴

自開化歸諸姪諸孫俱在坐

吾庭非無春其花名玉樓昨開值驟雨爛熳八十頭名
 客客不來主人翻出遊先一日招諸弟于窳軒為賞花之會被雨阻有情定

遙妬易地為勸酬

哭承兒四首

荷葉堂詩集卷三
十一
汝兄四十八捨我而逝矣汝沒後十年數亦止於此兩
哀併一慟摧感胡能已明知贅世翁必無久存理所傷
門祚薄壯殞先暮齒生汝兄弟三眼前惟一子竟今去
如夢未遠呼應起

小年故多病慮作短折童亦既見成人庶望送我終天
乎忍降割奪去仍匆匆復價貴於金積孱氣不充有時
或彊起好語聊慰翁誰知藥罔效竟坐室屢空

四女各未字三男盡孩提汝在稱慈父汝亾累孀妻一
母將七雛故巢且羣棲饑寒雖僅免晨夕同號啼老耳
實怕聞聞之彌愴懷吾今已耄及嫁娶何時諧

汝叔苦相勸謂我勿過傷人生百歲中壽天齊彭殤六
十且不毀矧迺七十強禮教有格言嗟嗟吾豈忘那堪
垂老境重此邁逆喪委蛻視子孫達觀媿蒙莊收聲欲
制汨汨落復數行

七夕邀諸弟作真率會先三日為芝田七秩生
辰兼補壽觴席上口占四絕

一家舊注長生籍合算今年得幾何四個老人三百歲
更加百歲肯辭多四個老人三百歲用香山成語

不問賓筵與主筵更番酌必我居先此觴只算屠蘇酒
得歲還應讓少年

人生七十古來稀萬口流傳老杜詩咲引南華為轉語
行年七十似嬰兒

斗牛光並老人星銀漢中央界紫庭但願年年仍此會
借君生日倒吾瓶

七月十九日海災紀事五首

門前成巨浸屋裏納奔湍直怕連牆倒寧容一榻安卑
憐蟲窟掩仰羨燕巢乾海闊天空際誰知寸步難
借穿殊少屐欲濟況無舟我怯行攜杖兒扶勸上樓雞
豚混飛走鶯鴨亂沉浮小劫須臾過茫茫織室憂
不有匏瓜苦渾忘稼穡甘奇災悲目擊往事聽農談高
岸翻為谷窪居直似潭連山浮島嶼幾點戶東南
驚鳧招晷刻沉氣晦連晨身似乘槎客誰為裹飯人滔
滔方滿地袞袞總迷津久在人間世徒嗟閱歷頻水無沉氣

出國語

亭戶千家哭沙田比歲荒由來關氣數復此覩流亡痛
定還思痛傷時轉自傷艱虞吾分在無計出窮鄉

武原故人陳少典下世垂五十年尚未克葬比
聞棺木被海潮所漂感傷存歿作詩寄其子行

中

一棺猶淺土聞說被潮衝痛矣兒無父傷哉殯未封居
貧須量力擇吉乃逢凶行中精於堪輿家術故云骨朽難逃劫吾將
罪毒龍

李氏外孫女歸寧其母於南昌詩以示之

汝母年四十無男痛孤孀我時在汝家目睹心悽愴回

頭汝在側肩差如母長弱女良勝無含哀解徊徨亟歸
為擇壻近出諸孫行前春遣就婚去秋聞弄璋老人破
涕笑稍用慰所望為婦已三年禮宜見姑嫜却愁形與
影生長未離孀女出孀孤單依依誰侍旁送汝至中道
此情良可傷愛割乳上雛隨親返南昌分飛二千里東
下錢塘江逮汝夫婦來我復遭逆喪匆匆暫相見悲喜
焉得雙西風吹斷雲診夢占不祥俄來南浦信又報無
服殤人間內外媵歡聚恒充堂天胡於此酷觸境罹奇
殃歸寧亦可憐母在雛則亡想當重會面斷續難為腸
切勿念老人老人行自量世無消愁藥可有長生方

題仲弟查浦後甲辰圖小照十六韻

鄉黨吾廬會高堂學圃圖

學圃圖先大夫甲寅春畫像也余兄弟四人及大兒克建

咸侍列圖中今五十一

承顏猶宿昔過眼特須臾賤日雙青鬢

歸休兩白鬚得兒雖校晚投老倍堪娛

弟生三子皆在五十六以後

漸愛隨肩侍長聽隔壁呼

用南齊劉獻兄弟事

推先讓黎粟交替

飲屠蘇樹是三珠茁庭非一鯉趨自嗤牛舐犢人羨鳳

將雛膝下添文度

去冬新得一孫亦入畫

毫端識長儒

見北史文苑傳閒

依髹几坐健却瘦藤扶喚出從花下排行繞屋隅起居

方遞進左右亦時須偶作分巢燕均為反哺鳥行看孫

卅角勿忘去

父勤劬笑問多男子何如五丈夫更煩名

畫手貌爾比商瞿

商瞿老年生五丈夫子竊為弟留眼望之

送沈楚望赴汴梁幕兼寄楊次也徐象求

之子梁園去詞華洵絕倫
幙僚稱得士村巷感居人
夢豈江河隔情兼臭味真
此中多舊好毋惜附書頻

海魚嘆

并序

吾邑未罹海患以前城西有巨魚隨潮至約千餘
觔潮退閣沙附近居民割而食之不半月而來海
潮之禍客有傳其事者作此以補前詩所未及云

永明海鷺移山來

南齊書永明九年鹽官縣石浦有魚乘潮來水退不能去黑色無鱗土人

呼為海鷺

細鱗不數萊黃鮐

桓寬鹽鐵論萊黃鮐之鮐不可勝食

居民分齧彼

何罪天遣先期行告災
浹旬以後洪流至鬼泣神號無
處避怒聲似為魚復仇
千萬生靈吞一氣魚乎魚乎倘
有知孰敢汝肉割汝皮如何了
不分恩怨一任波臣恣

虐為

中秋與佟陶菴中丞相遇於江陰舟次邀同月下小飲口占一首

清涼古寺上元遊重展晴光為我留
一咲可知無價買萬緣何必有心求
主張風月推壇坫舒卷波瀾入唱詠
絕勝虎山橋畔路兩頭絃管作中秋

蘇人皆望先生於是夕至虎邱故云

吳船口號五首

潮痕初退岸猶淹直過吳江水始甜
賴有具區三萬頃不然瀉鹵盡生鹽

東鄰禾爛相無春西舍居然畝一鍾
肯信報施皆鹵莽惰農方欲傲良農

水厄初離大海濱人天孰與指迷津忽然石觸舟中裂
悟徹平生有漏因過許墅關石觸舟
壞此中似有悟境
往來屈指一旬中南北東西總逆風勿與此翁同此路
鄰船豈必盡無篷

黑白何心角逐雄黃羊枰付水流東依稀十九條邊路
也算仙家小劫終舟中與尊聞姪圍碁遣日
今碁局為水所漂故云

吊秋花二首

貧到今年甚栽花徑并荒客疎閒步屨庭失好秋光枯
槁翻因水摧殘不待霜感時覘物變渾似閱滄桑
為少成陰樹從添覆地花頻頻滋灌溉歷歷萎泥沙涼
蝶飛何處秋蟲話別家陳根如不死春雨望萌芽

題從孫東木說劍圖小影

擁書仗劍真名士看舞徵歌亦雅儒令祖聲山有仗劍
擁書圖尊甫恒弘
有看舞圖舊
皆屬余題句愛爾丰神如父祖為題詩到第三圖

喜得三弟潤木請假省墓之信四首

忽忽京華別回頭十二年自嗟衰已久重見恐無緣喜
極淚隨落書來夢告先前一夕夢與諸
弟共飲梅花下蚤梅消息近猶
及草堂前

一紙平安字中含慘痛辭乞歸寧論暫得請敢嫌遲
恩重身難退天高聽故卑自今方計日倚杖候柴籬
至性吾憐汝頽齡似弱齡銜哀思往事燔告慰先靈
再世恩榮逮千秋雨露零岡阡松柏路冬月倍青青

海角承基業秋潮冒石塘三間僅無恙十畝已全荒身
在貧何礙詩成病亦忘古來無此樂四老話連牀時四弟信

庵方赴省試計當同歸

製地黃丸十韻

恒醫多試藥久病守成方客或餐雲母吾唯服地黃豈
無他佐使兼取理陰陽味以甘為正材尤熟者良飯蒸
資穀氣酒洗帶糟薊幾遍親炮炙移時謹弄藏磨臍霏
白雪白杵擣玄霜夜和丸加蜜朝飢嚙用湯參苓從長
價藜藿等充腸若問延年訣君看髮短長藥性論云熟地黃久服變

年白延年

重陽前一日曾三弟招同德尹芝田登龍尾山

歸飲齋中口占二截句

十年幾度記清遊一壑能專又一邱輸與主人筋力健

咲看三杖拄交頭

余與德尹芝田俱杖而登山曾三獨否

髣髴前塵付夢遊認將龍尾作旄邱

詩疏前高後下曰旄邱

釀錢

可是看囊物爛醉歸仍拄杖頭

是日曾三獨為主仍是以百錢見還故云

九日閒步橫漲橋西過玉禾堂晤言思百原存

叔季益諸姪憶五十年前曾偕荊州兄登宅南

小邱感嘆之餘得一絕句

五十餘年指釣遊憶同把蟹撇新篳竹林便是西州路

賸對諸郎半白頭

言思年過周甲百原亦五十七

洪梅岑自珣溪過訪即次去年投贈首尾二章

韻用訓繾綣之情

隔年曾讀七篇詩同調如君更不疑久缺寄書成嬾慢
重煩弭權訪衰遲菊荒陶徑仍留客楓落吳江已後時
慰我寂寥何以報敢從鷓鴣路指鴻逵

俗談肯置齒牙間一笑相逢飯顆山知我者希應自愛
古人如作許誰攀漸消實事休回首竊忝虛聲祗汗顏
借取尊前秋好處滿川風月送君還

自海潮退後早乾凡兩月餘立冬後三日風雨
連晝夜身在畎畝憂樂之境與鄉鄰同率成一

首

大潦之餘重苦旱入冬一雨沛窮檐村翁旋報麥芽茁

爨婦先知井味甜天澤下施方是益民情取足詎傷廉
餅罌滿貯煎茶水解渴充饑兩莫兼

題徐學人茶坪書屋圖

易於水澤交中文有頤象聖人喻諸味義在五與上苦
雖不可貞甘則往有尚詩家釋茶薺彼此互相妨甘苦
味絕殊譬形非一狀茶坪至性士即事寓意匠中有涕
淚痕么絃出哀唱圖來屬繼和畫好神悽愴我欲釋其
神展圖咲相向苦中適得甘一物取兩況祝君如諫果
甘至苦可忘天方憐斯人今以蔗境償上吾詩非適俗
良用慰瞻望

題沈勉之春江待渡圖

易曰有待行詩云須我友通乎需之義利涉夫何有韋
弦矯緩急軒輕視前後萬事靡不然時來隻成偶命圖
寓深意識者為領首

四杖圖歌 并序

雍正甲辰秋潤木以省墓乞假信菴南宮下第仲
冬望後相繼到家時余年七十有五德尹七十有
三潤木已開第七秩信菴最少亦平頭六十矣白
首兄弟重聚一堂此生此樂何可多得沈子松年
為繪四杖圖圖成余首唱一篇屬諸弟共和

兄年杖國兮弟杖鄉昔之少壯兮今皆老蒼伯兮仲兮
偕叔與季杖亦如人兮一二三而四

語本皇極
經世書

天教四

杖兮配四翁落我手中兮入我圖中斯圖閱世兮知凡
幾世安得斯人兮世世為兄弟

從孫東木贈我石徂徠集及舊墨二挺口占以
報

手生慣使雪堂墨眼暗愛看抄本書勿咲老饕貪盡取
譬嘗熊掌得兼魚

東木與楚望疊魚字凡七章連翩傳示再拈二
首以畲來意

才地評量總不如連朝踏凍費傳書兩賢健比雲端鶻
一老嬾於冰底魚
插架徒然萬卷餘只圖遮眼不繙書詩成亦用白描法

免得人譏獺祭魚來詩誇余藏書之富故有此會

東木前貺初從楚望轉致詩中未之及楚望有詩見督戲疊來韻兼示東木

清貺原從君所於報章草附一行書衰顏忘事類如此重為蹄筌記兔魚

椒園自杭歸用魚韻繼和四章見示再疊會之賸馥殘膏吐棄餘免冠自哂不中書何來好句如香餌

十丈寒潭又出魚用呂氏春秋語多生有味在三餘不是還書即借書童似蟄蟲愁啓戶

主方漑釜喜烹魚垂白慈幃暮倚閭平安兼望海南書詩人至性吾能識

彈鋏歸來豈為魚來詩用馮驩事故云

霜雪侵陵日月除一尊與爾且澆書賸留五色離披羽待配春盤潑刺魚時餉我野雞先以臘酒報貺新年尚擬作主人也

喜雪九疊前韻冬早旋經兩月餘朝朝咄咄向空書欣喜動看閒色

雪兆豐年夜夢魚烏程王懿誦明府以潄酒八壘見貽再疊前韻

都門醉別十年餘念舊重煩咫尺書與致青州八從事不愁換酒少金魚

雪後同德尹潤木於西阡裁翦松柏枝即事十二韻

五百新阡樹參天待幾時縱饒心欲速夫豈力能為方
法咨林叟權宜問葬師皆云扶直榦切戒藥橫枝趁取
冬餘臘母拘日反支及朝行展視有道在芟夷斟酌供
薪獲商量用斧斯攀條防損葉近本怕傷皮翦伐初何
忍栽培擬自茲養成非易易競長勿遲遲鹿去寧教觸
烏來定引慈好留君子澤傳語後人思

甲辰除夕與德尹潤木敬業堂守歲

十里東西宅中央是舊廬但教頻會合何異昔同居就
我生春色前十日巳立春故借用杜句為歡卜歲除白頭三醉叟相
顧一軒渠

乙巳元日偕潤木飲德尹梓樹堂

夜點霏微雪晨開爛熳晴吉占逢上歲漢書天文志正月旦決八風東
北為上歲殘醉續深更門冷稀賓客年衰有弟兄欲知排日
樂童穉也歡迎

三日偕德尹過潤木雙遂堂小飲

橋北生春水橋南泊舫船爾雅注舫並兩船也堂開書插架池動
柳含煙此會經三日吾生又一年未須論聚散取樂及
尊前

信庵四弟自開化至貽我頭陀蘭一盆

海水如鹽變白沙小庭羣卉少萌芽未栽堂北宜男草
忽到山中侍女花見采蘭襟志捲幔移盆香馥郁迴燈入畫
影交加東風吹過寒梅信笑問蘭陔有幾家

再詠頭陀蘭

有美猗猗蘭山人時藝成瓦盆移澗谷滋護從孩嬰歲
久葉紛披寶同翡翠嬰見歸田錄是宜有佛性故以頭陀名
我本老比丘宿世偕修行對之莞爾咲亦若弟見兄適
當春蚤時抽穗百十莖蕊者含其芳秀者揚其英深叢
如自匿高榦或自呈方將入我室豈獨列我庭我庭宵
而深我室幽以清中空無一有百竅延虛明微颺何處
來鼻觀先通靈霍然蘇病骨邈矣遠俗情同氣何待求
同心何用盟但看露地住爾汝胥忘形大品云須菩提
說法者受十二

元宵後一日德尹第二孫彌月再同諸弟作湯

頭陀其八
為露地住

餅會

昨夜燒燈節團圓正及時今朝湯餅會少長復於斯却
喜抱孫蚤渾忘生子遲回頭看乃祖顏色尚嬰兒戲用
老萊

事子

送潤木假滿還朝四首

百日期俄滿依依旦夕留情應關棣萼夢亦戀松楸繞
膝餘黃口迴腸感白頭稻梁恩漸重何敢說長休

屈指平生日全家聚會難當初殊未覺此去若為寬盡
撥形骸累徐商出處安古來朝市隱直作故林看

要津居不易況乃近鸞扃密勿絲綸閣承明著作庭昏
歸怕掃軌曉入必侵星前輩如趨步司徒尚典刑謂張
研齋

尚書
直伴多卿貳歸休獨老翁十年供奉後一夢欠伸中起
廢恩長負隨班命不同定蒙相問訊為道耳全聾

潤木北行後喜學庵弟到家二首

壇坵文章伯儀曹主客郎官曾居粉署歸只守茆堂鄉
黨人皆敬莼鱸味正長起予腰脚健踏屐到南塘

送迎連日有出處一家中且喜辭朝客重添合釀翁兩

看雖雪白雙頰尚霏紅偕隱年相亞如何不約同余及德尹

先後歸田年皆六十四學庵亦然

會城諸子寄示燈花唱和詩卷戲作二首補未

盡之言

短檠平纔二尺高燭或三條艷蕊能含照芳心怕被挑

開原資火力落豈待風飄老眼渾如霧從看漸漸消

到處傳鄉信更番報客過隔宵疑有讖詰旦總成訛螢

尾光相似蠅頭焰幾何防他蜂蝶咲輕命是飛蛾

當湖過高文恪公墓下有感

天上巢痕掃人間鶴夢回新松陰漸合宿草客誰來廢

瑟餘三嘆題詩擬七哀自傷遲暮眼轉瞬閱興衰

重晤借山和尚時將歸老匡廬故後半云

東湖吾所愛訪友復尋春可嘆論交地唯存出世人嚴

武於去年下世烟波寬放艇雲霧密藏身二老心期在隨方總

比鄰

以陳鳴遠舊製蓮藥水盛梅根筆格為借山七十壽口占二絕句

梅根已老發孤芳
蓮蕊中含滴水香
合作案頭清供具
不歸田舍歸禪房

偶然小技亦成名
何物非從假合成
道是搏沙沙不散
與翻新句祝長生

曉渡泖湖

扶桑初旭射波紅
人在波光浩淼中
一葉舟如千里馬
落潮時候挂帆風

大司農華亭王公哀輓六首

逮事 仁皇帝初終五十年
官評崇歿後物望繫生前

進退同僚式詩文異域傳
龍髯攀莫及銜痛遂終天

公薨於雍正癸卯中秋距先帝升遐僅九月

公豈當言路時方競楚風
長男談禍福俗子走盲聾不

藉祛邪力安知衛道功
問誰操白簡袞袞咲諸公此述辛酉

秋公官讀學時劾朱方旦事

昭代龍門重先朝信史成
褒譏歸直道好惡泯平情事

大關千古心勞萃一生
後來加點竄此任恐非輕此述丁丑

春公奉專勅纂修明史事今史局重開故結句云

巾箱家世業鄭孔有箋疏
兼綜紛紜說重煩考證餘荆

榛芟藝苑雲霧闢經畬
倚賴醇儒筆流傳秘監書此述公乙

未春還朝奉旨纂輯毛詩傳註事

承家多令嗣柄政有賢兄星叶乘箕兆旌題去國銘
宸衷餘震悼朝典備哀榮公已無遺憾徒傷後死情

門生門下士時世溯淵源別有酬恩泪深蒙知己言壬午

以後慎行入內廷荷公獎許迥出儕輩佳城瞻望近公賜域在西湖縣界內畫像典

刑存醑酒陳詞意還應徹九原

陶庵中丞來撫吾浙寄示重到西湖詩兼索和

傳語以十章為率次韻如數報之

一篇乍展兩眉頰官紙投來寂寞濱值得白家飛醖賀

江山管領屬詩人白香山詩且喜詩人來管領遙飛一盞賀江山

花應含笑柳舒鬢老封重開淺渚濱一色春波三百頃

可憐魚鳥總依人時重濬西湖

聖主當時愛笑頰用淮南子陪游十日此湖濱閒鷗喚醒眠

沙夢可有鷓鴣隊裏人來書語及丁亥春隨駕至湖上唱和事

重傳魚素語含頰與致珍羞到水濱野老忍充藜苆腹

鄰家還有斷炊人後十日承手書相招兼貺珍味

十室相看九額顰連年水旱厄東濱福星一點明吳越

多少人間望歲人

烟雨先開西子鬢遙從海澨泝江濱願推睠顧貧交意

次及鷄衣穀食人

霜松雪柏青冥上弱藻疎萍沼汜濱地望雲泥心不隔

眼中誰似繡衣人

兩回款洽長江畔一度追隨南海濱今作部民應自量

竭歡肯效掃門人

用漢書魏勃事

已成癩病兼衰病合臥漳濱與潁濱辜負先生懸榻待愧非徐孺子其人

十首吟成抵效贖靈珠一握在淮濱讓君頭地君應笑我是車前避馬人

春分前補種庭下草花

客土移根茁嫩芽遠從僧舍近山家衰年不作多年計繞砌仍栽草本花

德尹既和種花絕句復反前意作一首有惟應茂叔庭前草不費栽培也不除之句再次韻畚

之二首

隙地纔寬尋丈餘被人比並浣花居浣花溪上花饒笑少陵成句是草如何不剪除少陵又有除草詩百卉全腓蔓有餘鵲巢何異被鳩居靜中勤徹因材理花要栽培草要除

以拙集寄高大立蒙投七言古體長篇推許過分非所敢當輒成小詩八章報謝兼寄曾濟蒼

初聞檐溜響空庭又聽東軒鵲喜靈報道門前春漲起雙魚來自菜花涇禾中地名大立自署菜花涇老農

纏綿真足慰相思已得君書又得詩不獨易春難繼和久將殘錦付邱遲

自排小草未經芟慚愧詩存尚致籤用皮襲美句老去敢云

聲病少特煩高手與鍼砭

曾記京華把一篇曩在都下錢蔗山曾當時唱和獨無

緣直從常侍論家學五十工詩自可傳來篇有四十以

故用高達夫事以相證

便從于野筮于郊義在同人最上文說與後生曾見否

年將八十始論交

門稀剝啄故人疎比並耆英正不如同學尚餘曾子固

謂濟蒼也歐陽永叔有贈同學曾子固序罷官依舊比鄰居

無佛稱尊亦可憐白頭兄在弟之前謂家好邀張丈為

同社許我誇張作少年君年長余一歲故戲取香山詩語以自況

百里煙波悵兩鄉停雲南北互相望蓴羹未落秋風後

肯棹扁舟過一嘗

曾濟蒼扁舟見過匆匆即去別後寄示五律三

章次答原韻

自聞辭學舍冰雪到家遲不爽經年約君癸卯見寄詩有準擬明秋共

晨夕還縈落月思有情來弭棹無夢到牽絲轉悔恣恣

別煩君又寄詩

各有煙霞癖多忘草木形跡同歸鳥鶴情比在原鴿家

集光相射清風座可銘時以尊甫學憲公清風堂集刻本賜教所慚無以

報歸去但空舲

鄉社新農侶名場舊飲徒一生回白首萬事失東隅笑

我方迷野從人欲問途延年如有術相勸服菖蒲來詩有可

許同晨夕鈔書事截蒲之句故
用抱朴子韓衆傳中事奉畲

德尹以堦前大紅洋茶花二律來索和次原韻

特因來處遠小本亦名葩似剪珊瑚樹旋開寶相花雪

中猜作火地上擲成砂寵極宜深貯翻嫌出屋茶

人未知唐人句也

妙手誰能繪施丹別有方

從赤土耀眼奪紅桑

日香遲開寧免妬芍藥在偏房

牡丹一叢手植窳軒堦下已十餘年去秋亦被

潮淹春來花頭頓減十之五感歎成吟

手植芳叢傍蘚階曾經爛熳起樓臺只圖春好花長好

不道吾衰爾亦衰物性近憐多天闕天工敢信盡栽培

何煩翦却開松徑知是花時少客來

栽野松

上巳前一日徐韓弈左田父子見過留飲花下

今年已分負芳時連日敲門匪所思鄰舍晚分紅曲酒

飲痛止撥觸吟脾又得詩花若有知應見哂合將宮體讓

徐摛

前一日家東木魄琥珀釀

祝良仲兄弟邀同朱敬修及子姪輩葆光居賞

牡丹感舊五首

遇酒逢花每自憐當前光景記從前分明一枕繁華夢

再到俄經十二年

甲午春赴賢昆弟之招余有詩紀之

檢點尊前少一人

賓季下世已四年

老夫制泪且開鬢郎君勉

仁好比階庭樹世澤長培手澤新

殮和堂與葆光居兩姓相望十里餘眼見祝家花若此

朱家庭院問何如

敬修所居殮和堂前亦有牡丹一叢花時不到四十七年矣

嘉辰省對亦前緣日薄風微穀雨天含笑入門扶醉返

愛花兼愛主人賢

慚愧吾家淺淺叢開時只好伴衰翁翁衰事事粗知分

歸勸花神拜下風

烏程令王懿誦同年樓村賢嗣也到官半年三

枉信使惠好有加野人乏芹曝之獻二律報謝

兼寓感懷

半年三問評一一到衡茅美酒開君甕新烟出我庖情

深車笠際誼託紀羣交十卷傳家集流傳重手抄時以公

詩集屬余校閱

故人凋喪盡萬事轉頭空不有鳴琴宰誰憐採藥翁溪

山鄰壤隔晨夕往時同

曩在武英書局與懿誦共事凡四年

出處何曾判

於今見古風

喜晴戲示鄰叟

海角罹水旱桑田歲無收今春蠶麥好到耳一解憂何

期立夏來晝夜雨不休蠶饑麥委浪彌望成荒疇鄰家

有老翁仰睇蒼蒼愁呼天訴疾痛淚亦滂沱流天意驀

然回如人轉雙眸風驅蝶竦翳日出崑崙囚災弭斯為
祥即事非外求綠葉既沃沃良苗仍油油我关謂此翁
汝今已白頭拭汝交頤泪聆我擁鼻謳西成所未知春
花鄉人以蠶麥為春花幸有秋且須貫斗酒偕我壠畔遊踏泥行
插秧決水使瀉溝此乃兒輩事毋參老人謀

三月二十九日枕上作

入夏六日半陰晴月當小盡天將明堦前初開蚯蚓結
門外亂打蝦蟇更殘花遞風凡幾信新葉滴露時一聲
年年送春如送客自我作主能無情

四月朔德尹招同諸弟西阡看梓花曾三不至
末章專及之八首

村北邨南路不賒西家攜杖過東家此橋恰與花為讖
梓樹橋邊梓樹花

四株直幹兩行排十八年前記手栽老守墓田差自幸
直從拱把見花開

玉蘭雪落海棠紅讓爾稱王萬木中二十四番都不問
遲開猶壓棟花風陸佃埤雅云梓為百木長故呼為木王

遮牆出屋勢亭亭一色晴光耀眼明不是詩人吟不到
被他楸樹竊花名羅願爾雅翼云梓即楸杜詩楸樹高花媚遠天當是梓花也

椅桐一例可為琴誰識年來長養心傳語花神須善護
已成材後望成陰

閒向山前把一尊深慚令弟慰賢昆王右丞詩平原思令弟康樂謝賢昆

五楸莫作三槐看孝少陵又有五楸詩只要家風及子孫禰五行占舍西種梓楸五令子孫順

毆盤索采酒盈升邂逅為歡取得朋却喜居鄰連二仲

謂芝田何妨末座置吳興謂沈椒園

小雨催人入醉鄉白頭狂得且須狂用香山語兩回輕負看

花約前二日窳軒賞罌粟花曾三亦不至故云笑問一翁有底忙東坡詩有底忙時不

來肯

四月八日雨釋氏以此日為彌勒佛誕雨則主夏旱

佛日宜垂照農占視耗登望晴翻得雨為咎怕先徵俗已凋傷極吾尤感歎增所憂非越分生理自無憑

知止嗟效康節體

知止聊從止足徵牀堪趺坐几堪凭
禪杖閒來侍定僧俯聽蛙池憐蚪跳仰看鷓路笑飛騰
呼兒試問春苔色綠上庭階又幾層

晨起聞縑車聲喜而得句

蠶桑原是吾家業五十餘年廢不治自先淑人卒後久不聞此聲矣朝

夕飽餐奴婢嬾詩書責效子孫癡力難與國充耘耔用昌

黎語意取如期佐繭絲時方急催科忽聽縑車聲動處喜於雙

耳未聾時

寄祝文昌令沈麟洲六十生日

三千歲月從頭數六十纔經第一回野老今朝隨客賀

釋迦昨日抱孫來先一日有得孫之慶火山荔子長先熟瓊海桃

花或後開火山荔枝四月先熟見東坡集傳語鶴書徵
不遠簿書寧復滯仙才

馬素村北歸見過

進士幾時進太白詩有進士不得進之句素邨於歸舟

暫海涯未尋松菊徑先過竹林家壘折銷愁酒燈繁送

喜花別中何限事歡喜問京華

庭前香櫟一株自正月後脊令相繼來巢者凡

三入夏復添第四巢見者詫為奇事感成四章

似求同氣得專爻京氏易傳同氣為專四月看成第四

巢好笑先生計拙一庵并說文三十也載未編茅禹鴻臚為余繪

初白庵圖幾及三十年矣

新綠陰交戶牖鄉連枝穩穩寄連房直同譽樹韓宣子
來與貧家告吉祥

破卵焚巢事出奇依依擇木詎無知只除風雨漂搖患
此外吾能力護持

次第隨羣不亂羣五家成保四成鄰語出唐書婆娑此
樹還三嘆知得幾年為主人

四月晦夕雨中夢遊西湖

孟夏提月月沉魄晦日為提月仰視重陰方霖霖三更

飛夢到西湖直上孤山少登履千年華表鶴羣散百歲

叢林僧履隻諦輝禪師年九十九於兩獨來遇雨可奈

何對此茫茫感今昔水仙祠前行喚渡櫂轉蘇堤春漲

拍忽磨明銀豁雙瞳旋起清風扶兩腋琉璃萬頃冰一
片倒寫天容落澄碧船頭魚躍浪參差船尾鷗輕烟滅
沒漸深漸入漸蒙翳半篙抵岸如投隙遮頭蓮葉青出
藍掠面荷花紅壓白中有高人沿岸住遲去我門開心
莫逆曲闌幽榭導使前沆瀣漿濃分琥珀為言塵世苦
拘局紫蓋丹霞爭掃席曷不相從汗漫遊浮名於汝終
何益余時含意笑未答霹靂一聲檐瓦擲覺來依舊雨
淋浪疑有湖光滿虛宅

沿南塘至花山觸目感懷口占以當鄙諺四首
去秋海岸拆奔潮閘口經年未有橋老子不知生處樂
賸留枯眼閱蕭條

災餘仍慮復為災魚鱉殘生大可哀 聖主何曾忘海
角潮神前月受封來

向來畚鍤嘆徒勞保障方期鐵石牢昨日皇華馳驛過
已傳會計析秋毫

不插青苗種木棉忍饑數到授衣天問渠微命絲難續
何法支吾度半年

黃梅紀災

播種多黃萎如遭旱魃焚雨痕青沒草嫌氣白成雲樂
土今安適奇荒古未聞空煩春夏鳶應候趣耕耘左傳

注春鳶趣耕
夏鳶趣芸

次韻謝陳宋齋閱拙集見寄之作

與君降同庚惡月獨在午壯齡失前猛餘照覲晚補捫
腹本空疎報耕宜莽鹵千秋著作堂敢望坐廊廡師門
昔多士存者今纔五同邑受業黎洲先生之門者凡十五人今唯宋齋廷益梅溪余及德尹在耳
相去復參商雞鳴感風雨如余走流汗僅可籍湜伍
傳業君庶幾後先期踵武猥承獎許加喻以莊蝶栩三
都覆酒甕世尚譏傖父矧收爨餘薪而謂翹中楚秦彊
乃盟趙齊大顧下莒小技古所卑詞章奚足數君方勤
纂述萬卷恣搜聚吾老未廢書粗亦識甘苦素心樂晨
夕竚跂共傾吐

次韻答吳興沈寅馭見投四章

平生出門交獲覲天下士王楊既掉鞅屈賈亦磨壘吳

興憶昔遊山水東南美風流及前輩觥錄互作使一別
三十年好奇未知止舊人眼中盡回首腳頻跂夢入鱸
魚鄉秋期猶準擬詩來若相導喜色浮杖几

遙遙沂華胄千載幾望族獨有約後人到今擅品目一
村無兩姓門第不改卜緬惟襄敏公世緒待爾續撫今
萃羣俊望古騁遐矚才氣直靡前虛懷恒抱獨側聞鄴
架富足用三冬讀為善無近名莊言視緣督

至戚遠漸疎時風薄尤最投名肯顧我欲下老龐拜長

揖就末行尊稱加耄曠腹枵轉內愧覆發苦難蓋好友

昔見收來詩追述與東江唱酬事殆同拾腐芥數篇唱和什豈敢追

彊對何當寔然音蓬藿假警效置之勿復道自嘆乃凡

介

大阮謂厚餘諧古歡宦遊阻魚素近傳得長告甘澤感
汎獲仕路退良難人情怯鈎注括機有巧發入穀多詭遇
本根街名實枝蔓托毗附豔奪眼界花幻晞草頭露子
方志進取勇要禺彊護珍重角弓詩毋忘譽嘉樹

敬業堂詩續集卷三終

姪男 學校刊

大觀州
本州
有...

江
校
刊

